

Balua gba Polo pi

Tito

Eli na kalanu

Tito inde akolo nani kpala na kulu bhú dabilí bini ne Polo, ani atsia adu di ateteke ani bhú kulu gba e na Ebhe inde ani adu adholo ne e, ani adu nani mupagano inde adji bua e, ani atsia aziba *Kilisito . Polo aye balua inde pi Tito, makombi inde adu ateteke ani bhú Dadjua gba Ebhe na Kelete-o. Polo a'o nani ka ani oo ngubula natsia 'kpí li kulu na Dadjua gba Ebhe ango-o. Ngbengbe 'ngú bhú balua inde bata.

Engú na kalanu u aye bhú balua inde-e, ko nasuno pi Tito dasundu inde a ayo me *obhelesi okpala na Dadjua gba Ebhe du ne e, adu kpi ne bhe na sisiti inde li okpala na Kelete nde ne e ko. Pipita-a, Polo ngaha líli pi Tito me ani du masuno pi limbi okpala ngangá na Dadjua gba Ebhe-o. Limbi okpala maka: obhosi na bhelesibhelesi, omakombise, obalise ne olisi bhe na bhelesibhelesi (inde a ayo me u ha líli pi otsalisi). Li soso-o, Polo ngaha líli pi Tito pindji lele nadholo gba makilisito, ne nade ne mukunda, ne nade ne *guo 'ngú ngubula nakpe yala, ne nakpe tolo, a la di na gbogbo bhusu bhú Piga gba Ebhe.

Ongbengbe ongú inde bhú bhuku inde-e ngae inde:

Eli na kalanu 1:1-4

Obhelesi okpala na Piga gba Ebhe 1:5-16

Engú a ayo me limbi okpala mene e bhú Piga gba Ebhe 2:1-15

Naha líli gba Ebhe ne napa me kpala du ne nalila li e 3:1-11

Eli na soso 3:12-15

Polo yi Tito mayi

1 ¹ Ma aye balua inde-e ngama Polo, bali gba Ebhe, la di *bhulu titima gba Yesu *Kilisito . Ebhe aha kulu napana kpadji na *nabhuka pi okpala inde ani abhu o-o muma ngubula me u bhuka ni, amba u ke di mboli kakulu nasuno inde ati ne mukobho inde ngadhoge ani-o. ² Abhomu-o, u ti da nade ne 'to o me o osia mukobho na dudu masia. Ebhe inde i papa eu de-e, apana nani mukobho ango-o pi omaha e bhutode kala me ani bho kokpi ne doto. ³ Nedhinga inde li Ebhe a'o e akolo lie, Ebhe, *Mukobho gba ní-e amene me omaha ni mbila 'li ni li kpadji nakpokpo *Badha Ngali . A bhomu-o kulu inde ani aha líli me ma mene e-o.

⁴ Ma ngaye balua inde-e pi mu Tito. Mu maka kakulu ndili gba ma bhú 'bu nabhuka inde ngakpetse ní ko. A ayo me badha bhú 'bu ne *guo 'ngú gba 'Dyi ní Ebhe, di ne Yesu Kilisito Mukobho gba ní-e du ne mu bhú dabilí bini.

Lele mukobho gba obhelesi okpala na Piga gba Ebhe

⁵ Ma a'o ka mu bhú *kpomø na Kelete, amba mu ndjia naleke ndu 'ngú hana inde atigala-o. A ayo me mu bhú *obhelesi okpala na Piga gba Ebhe-e bhú ndu gudhu hana bini ne bini nakpata olíli nako ma aha e pi mu-o moko me, ⁶ a ayo de me u u bhele kpala na Piga gba Ebhe-e ne siti 'ngú-o de. Ani du ne koli ølø bini. A ayo me ongisi gba ani-e du *omabhuka . U amene engú bini de inde u 'f uo ka e me, a ko ongisi na sisiti, di ne me, a ko ongisi na ndjondjo.

⁷ Bhele kpala na Piga gba Ebhe-e ngalila kulu gba Ebhe-e ngae. Kaka-a, a ayo de me u u ani ne siti 'ngú-o de. A adú kpala na 'ngbé 'ndji de. Ani adú nake 'ngú lie má gala de. Ani ahá lie pi pandi de. A adú bhulu nagu gbele de. Ani adú ngalilí tia li siti kpadji de.

⁸ Engú bini, ani du nasia ogomago ndjindji. Ani kunda badha 'ngú. Ani du nabhundja 'ngú

ndjindji. Aní dɛ ngbingbili. Aní dɛ bubu kala okpála di ne kala Ebhe. Aní dɛ kpála naholo bua e ka 'ngú maholo. ⁹A ayo me aní gbite lie kpekpeke li Eli na kúkulu inde atí ne engú inde ní asuno e pí aní-o. Abhomɔ-o, aní tɛ da nato masi bhú okpála koko ne nasuno na ngbingbili-o. Aní tsia tɛ la di da nasuno pí okpála inde nga'o bhayiki li nasuno gba aní-e me uo li pɔlɛ kpadji.

Polo agbele 'dje Tito pɔndji nasuno na eu

¹⁰Okpála bhelé ne kpéke 'ndji, a ane la mane bhú ká okpála inde ngasuno me a ayo me omakilisito kpata lílí gba omaYuda li kpadji *nali gandja-o . U ngapite okpála koko, u di ngapa ongú na padhá padhá. ¹¹A ayo nagbite 'bhɛ uo, anga u ngangbingi 'ndji opiga libhomu ne nasuno ongú inde a ayo nasuno e de, ngɔbula nasia tía li siti kpadji.

¹²Suka kpála bini na kpɔmɛ na Kelete-e, adɛ nani bhɔlɛ imbilangɛ. Aní apa nani ne 'bhɛ e me: «Okpála na Kelete-e, a ko odidili obhɔlɛ eu, uo maka onɛ na 'gú. A ko obhɔlɛ ipio, u ngabhundja bha bini bula 'ngú na 'zɛ.» ¹³Engú inde aní apa e bhomɔ-o, a ko kúkulu 'ngú. Kaka-a, mbe bhú 'ndji uo tété kpekpeke, ngɔbula me u lɛ kpekpeke bhú nabhuka, ¹⁴u a'ó la di 'ndji o li ongú na padhá padhá inde li omaYuda ngagbe e bhú 'ndji o de. U adú di namene lílí gba okpála bhende ngayala kúkulu 'ngú-o de. ¹⁵Pí okpála bhende kala Ebhe bubu-o, ndɛ 'he hana bhadi bubu. La-a, pí okpála bhende kala Ebhe bubu ade-e, inde ayala nabhuka-a, ehe bini pí uo bubu belegɛ ade bini. Padhá de, anga imbilangɛ di ne bua nakpokpo kú 'ngú gba uo-o asiti. ¹⁶U ngapa me, o mbíla Ebhe hana, engú bini ongú inde u ngamene e ngasuno me u mbíla aní de. Engú inde u ngamene e nga li okpála de, a nga la di li Ebhe de. A ko okpála na kpekpeke 'ndji. Uo la di ne angu namene bádha 'ngú belegɛ ade bini.

Polo aha lílí pí omabhuka

2 ¹Engú bini, ngamɛ Tito-o, pa engú inde atí ne nasuno na ngbingbili-o. ²Pa pí obhosi bhende na gbegegbe-e me, u dɛ naholo bua o ka 'ngú maholo. U dɛ ne okpála inde u ngamanga o mamanga. U dɛ nabhundja 'ngú ndjindji. U lɛ la di ne angu bhú *nabhuka , ne mukúnda, di ne 'ndjá bua. ³Ha di lílí pí olisi bhe na obhelesi-bhelesi-o. Pa pí uo me mukobho gba uo-o dɛ bubu kala Ebhe. U adú napa osisiti 'ngú li okpála koko de. La di-e, u adú obalise na pandi de. A ayo me u suno pí okpála koko ongú na ndjindji. ⁴U mene mo-o, i tsia súnɔ pí otasalisi me, u dɛ ne mukúnda pí obhosi gba o, di ne pí ongisi gba o, ⁵u dɛ nabhundja 'ngú ndjindji, u adú akúnda obhosi ngangá de, u 'o 'to o 'to píga gba o, u dɛ ndjindji. U mene la di olíli gba obhosi gba o makpe, ngɔbula me kpála bini asóbho *eli gba Ebhe-e de.

⁶Ha di lílí pí omakombise me, u dɛ namene ndɛ 'ngú hana li lelele. ⁷Ngamɛ makpe-e, a ayo me mɛ suno bhú okulu gba mɛ-o ongú na ndjindji, inde li okpála tɛ da nakpata nganda e. A ayo me nasuno gba mɛ-o dɛ ngbingbili, amba adɛ di bhe li okpála tɛ da namanga e. ⁸A ayo me 'li mɛ dɛ ngbingbili, eli inde li okpála tɛ da naboyo e de, amba obhɔlɛ yala gba ní-e asía engú na sisiti napapa li ní de. Abhomɔ-o, u tsia djé nɔmɛ na paká paká.

⁹A ayo me, obalise mene lílí gba omakulasi o bhú ndɛ 'ngú hana. A ayo me u dɛ amene engú inde anga li omakulasi o. U adú adjidji 'ngú sa 'li uo de. ¹⁰U azí 'he gba omakulasi o de. Engú bini, u dɛ ndɛ 'kpí hana ngbingbili li pápá gba uo-o. U mene mo-o, li okpála tsia ú me nasuno inde pɔndji Ebhe, *Mukobho gba ní-e ndjindji ka nau lele maka u ngakobho lie-o.

Yesu akúnda me ní dɛ píga gba ní

¹¹A moko, Ebhe asuno bádha bhú 'bu gba e inde ngakobho ndɛ okpála hana bhú siti 'ngú-o asuno. I dɛ kaka de-e, kpála bini de kóbho de. ¹²Bádha bhú 'bu ango-o ngasuno pí ní nayala siti 'ngú. A la di ngasuno pí ní nayala ogumɛ ongú na doto, amba nedhinga ní nde nga lie pí doto inde-e, a ayo me ní dɛ nabhundja 'ngú ndjindji, ní dɛ namene engú

inde ngbingbili, di ne bhende nganga li Ebhe manga. ¹³ Ní dɛ namene moko ngɛbula nadjeke ekpí na djalí inde ní nga'o 'to ní 'to e-o. Li 'kpí ang-o, Yesu *Kilisito inde Ebhe gba ní na ngbéngbé, di ne Mɔkobho gba ní-e, agíe lie pɛla doto bhú *sangu gba e ko. ¹⁴ Aní aha mɔkobho gba e makpe pí ní ngɛbula nagbegbe ní bhú ndɛ osisiti 'ngú hana. Aní abhú ní me ní kolo piga gba ní makpe, piga inde bubu kala ní-o, amba ní dɛ píga inde abedhe ne gɔmɔ namene babadha 'ngú.

¹⁵ A bhomɔ-o engú inde ayo me mɔ suno e ne angu mɔ hana, nedhinga inde mɔ ngato masi lie bhú okpála inde ngadje mɔ, di ne nedhinga inde mɔ ngambe lie bhú 'ndjì obhende i dje mɔ de ko. Mo oká kpadjì pí kpála bini de me aní u mɔ padhá-a de.

Lele nadɛ ka omabhuka bhú ká omɔpagano

3 ¹ Bhundja pí ndɛ *omabhuka hana me, a ayo me u manga ongámási, di ne okpála bhende ngɔ pí 'ndjì uo-o. A ayo me u mene lílí gba uo-o, amba u dɛ bedhe ngú namene ndɛ ongú na babadha hana. ² A ayo de me u di kpála-a de. U adɛ obhɛlɛ gbele de. A ayo me u dɛ okpála na *guo 'ngú . A ayo me u dɛ ndɛ 'kpí hana ne bhɛkɛ bua pí ndɛ okpála hana. ³ Padhá de, anga nganí di-e, ní adɛ nani ongingi. Ní adɛ nani okpála na kpekpeke 'ndjì. Ní adɛ nani lí pɛlɛ kpadjì. Ondɛ ngangá gɔmɔ 'he, di ne oehe nanga lí ní manga a'o nani ní obalise. Mɔkobho gba ní-e adɛ nani sisisi. Ní abedhe di nani ne ogɔmɔ 'he bedhe. Ní adɛ ayala okpála koko, u atsia adɛ di ayala ní.

⁴ Engú bini, nedhinga lí Ebhe, *Mɔkobho gba ní-e asuno bádha 'ngú di ne mɔkɛnda gba e lie pí okpála-a, ⁵ aní atsia akobho ní. Aní kobho ní ka *ongú na ngbingbili inde ní amene e-e de. Engú bini, aní akobho ní ka aní adje ndjinga ní lie ko. Aní akobho ní lí kpadjì naha *Bu Bhobua pí ní. Bu Bhobua ang-o a'e osisiti 'ngú gba ní-o, aní atsia aha mɔkobho na mbia pí ní, ne lele nadɛ na mbia. ⁶ Ebhe atuko Bu Bhobua ang-o pí ní bhelé lí kpadjì na okulu inde lí Yesu *Kilisito , Mɔkobho gba ní-e amene e ko. ⁷ Abhomɔ-o, Ebhe atsia amene me ní kolo ngbingbili ka bádha bhú 'bu gba ní ko, amba ní tí la di da nasia mɔkobho na dɛdɛma, inde ní nde ne 'to ní 'to e-o. ⁸ Eli bhomɔ-o, a ko eli na kɛkɛlɛ. Ma akɛnda la di me, mɔ lɛ pépé kpekpeke, amba okpála hana inde abhuka Ebhe-e, ha lío ngú namene ongú na babadha. A bhomɔ-o engú inde ndjìndjì, inde di ne tata pí ndɛ okpála hana ko.

⁹ Engú bini, mo odú namene obhayiki na ngingi de. Mo odú namene kpekbeho lí nakpokpo ndjándjá kpokpodɛmɔ de. Mo odú namene otolo di ne bhayiki píndjì *lílí gba Moidje-e de. Padhá de, anga ndɛ ongú bhomɔ-o hana padhá, tata la di tété ade. ¹⁰ Mbe bhú 'ndjì bhɛlɛ nagbogbo bhɛsɛ omabhuka bhɛtsibhɛtsi na bini, mɔ mbe bhú 'ndjì aní bhɛtsibhɛtsi na bhisi, amba pípita aní dje mɔ de-e, mɔ de gbe aní bhú ká uo magbe. ¹¹ Mɔ mbila ndjìndjì me, ngua kpála bhomɔ-o ayie lí ngbili kpadjì ayie. Aní atsia a'o lie bhú mangimbo ngae makpe, ka aní azi 'ndjì e lie bhú namene siti 'ngú-o.

Polo aha olíli na soso pí Tito

¹² Ma ngatima Alatemasi pí mɔ. I dɛ aní de-e, lí ma atíma Tisike. Nedhinga aní akólo lie, mɔ de mene ne kpéke ngú nago nabhaka ma bhú gɛdhɛ na Nikopolisi. Padhá de, anga ma apa me nedhinga na zini-e ané ma me, ma nde oo ko. ¹³ Tsia 'kpí lí 'ngú na dhɛkɛ gba avɛka Djenasi, ngauo ne Apolosi-e ndjìndjì, amba u adɛ bhú ndíbhíli 'he bini de. ¹⁴ A ayo di me okpála gba ní-e mbila lío ne namene ongú na babadha ngɛbula me u dɛ ne oehe ngɛbula nateteke okpála inde ne gɔgɔmɔ-o ne di. U mene mo-o, kulu gba uo-o tsia zú nguwa.

¹⁵ Ndɛ okpála hana inde bhú dabilí bini ne ma-a apa me, o yi mɔ mayi. Pa pí *ondaise ní na mɔkɛnda, inde ní nde ne o bhú 'bu *nabhuka me, ya yi uo mayi. A ayo me, Ebhe tuko bisagu pí ndɛ yi hana!